

तत्स्युर्वह्निर्धी वाऽएतद्योनेरग्निकर्म यत्पुरा पुष्करपर्णात्ता यदिहाहृत्योपदधाति  
तदेना योनौ पुष्करपर्णे प्रतिष्ठापयति तथो हैता अबह्निर्धी भवन्ति ता अनन्त-  
र्हिताः स्वयमातृष्णाया उपदधात्यन्तरिक्षं वै मध्यमा स्वयमातृष्णानन्तर्हितास्तदन्त-  
रिक्षादिशो दधात्युत्तरा उत्तरास्तदन्तरिक्षादिशो दधाति रेतःसिचोर्वेलयेमे वै रे-  
तःसिचावनयोस्तदिशो दधाति तस्मादनयोर्दिशः सर्वत उपदधाति सर्वतस्तदिशो  
दधाति तस्मात्सर्वतो दिशः सर्वतः समीचीः सर्वतस्तत्समीचीर्दिशो दधाति त-  
स्मात्सर्वतः समीच्यो दिशः ॥ ११ ॥ यद्वेव दिश्या उपदधाति । हन्दाऽसि वै दिशो  
गायत्री वै प्राची दिक्त्रिष्टुब्धक्षिणा जगती प्रतीच्यनुष्टुबुदीची पङ्क्तिर्ध्या पशवो  
वै हन्दाऽस्यन्तरिक्षं मध्यमा चित्तिरन्तरिक्षे तत्पशून् दधाति तस्मादन्तरिक्षायतनाः  
पशवः ॥ १२ ॥ यद्वेव दिश्या उपदधाति । हन्दाऽसि वै दिशः पशवो वै हन्दाऽ-  
स्यन्नं पशवो मध्यं मध्यमा चित्तिर्मध्यतस्तदन्नं दधाति ता अनन्तर्हिताः स्वयमा-  
तृष्णायाऽउपदधाति प्राणो वै स्वयमातृष्णानन्तर्हितं तत्प्राणादन्नं दधात्युत्तरा उत्तरं  
तत्प्राणादन्नं दधाति रेतःसिचोर्वेलया पृष्टयो वै रेतःसिचौ मध्यमु पृष्टयो मध्यत  
एवास्मिन्नेतदन्नं दधाति सर्वत उपदधाति सर्वत एवास्मिन्नतदन्नं दधाति ॥ १३ ॥  
राज्यसि प्राची दिक् । विराडसि दक्षिणा दिक्सम्राडसि प्रतीची दिक्स्वराडस्युदी-  
ची दिग्धिपत्यसि बृहती दिगिति नामान्यासामेतानि नामग्राहमेवैना एतदुप-  
दधाति ता नानोपदधाति नाना सादयति नाना सूददोहसाधिवदति नाना हि  
दिशः ॥ १४ ॥ ब्राह्मणम् ॥ १ [३. १.] ॥ प्रथमः प्रपाठकः ॥ कण्डिकासंख्या ११५ ॥ ॥

अथ विश्वज्योतिषमुपदधाति । वायुर्वै मध्यमा विश्वज्योतिर्वायुर्ह्येवान्तरिक्ष-  
लोके विश्वं ज्योतिर्वायुमेवैतदुपदधाति तामनन्तर्हितां दिश्याभ्य उपदधाति दिक्षु  
तद्वायुं दधाति तस्मात्सर्वासु दिक्षु वायुः ॥ १ ॥ यद्वेव विश्वज्योतिषमुपदधाति ।  
प्रजा वै विश्वज्योतिः प्रजा ह्येव विश्वं ज्योतिः प्रजननमेवैतदुपदधाति तामनन्त-